

Meeqqat 18-inik ukioqalernissami tungaanut pisortat ingerlataannik angalatitsiviit aqqutigalugit angalasussaattillutik meeqqatut akeqalernissaat, aningaasatigut qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq meeqqat akikinnermik angalasarnerannut malittarisassat allanngortinnissaannik tunngaviliissaaq, kingusinnerpaammilu UPA2026-mi inatsisartunut saqqummiunneqassalluni.

(Inatsisartunut ilaasortaq Jens NapâtôK, Naleraq)

Soraarninngornikut pisortat ingerlataannik angalatitsiviit aqqutigalugit akikinnerusumik angalasinnaanerit ukioq naallugu atuutilerpat aammalu soraarnerussutisiaqartunut billetsit ukioq kaajallallugu killeqanngitsumik pisiassaasinnaalerpata, soraarnerussutisiaqartut akikinnerusumik angalasarnerannut malittarisassat allanngortinnissaat siunertaralugu, qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq kingusinnerpaamik UPA2026-mi inatsisartunut saqqummiunneqassaaq.

(Inatsisartunut ilaasortaq Jens NapâtôK, Naleraq)

Siullermeerneqarnera

Akissuteqaat

Naalakkersuisut sinnerlugit siunnersuuteqartoq, Jens Napâtôk Naleraq-meersoq, meeqqat angalasussat 18-inik ukioqalernissamik tungaanut meeqqatut akeqalerlutik kiisalu soraarninngoreersut soraarnerussutisialittut akikillisaavigineqarlutik angalatitsiviit pisortanit pigineqartut aqqutigalugit angalasussaattillugit aningaasaqarnikkut sunniutaasussat misissorneqarnissaat pillugu siunnersuutiniq saqqummiussineranut, qutsavigaara. Misissuineq meeqqanut akikillisaatinut maleruagassat allanngortinneqarsinnaanerannut tunngavigineqassaaq aammalu kingusinnerpaamik 2026-mi Upernaakkut ataatsimiinnermi Inatsisartunut saqqummiunneqassalluni.

Naalakkersuisut sinnerlugit siunnersuuteqartoq siunnersuutiniq saqqummiussineranut qutsavigaara aammalu nunatsinni innuttaasut angalanissamut periarfissaasa akigititanullu atugassarititaasut pitsanngorsarneqarnissaat pillugu tunngaviusumik siunertaasoq isumaqatigaara.

Tassunga atatillugu oqaatigineqassaaq immikkoortut taakkua UKA 2024/105-imi aamma UKA2024/94-imi akineqarmata, tassani Naalakkersuisut oqaatigaat kiffartuussinissamut isumaqatigiissuteqarlutik angallassisunut akigititaasunut atugassarititaasut misissorneqassasut. Tamanna Naalakkersuisunit sulii kissaatigaarput.

Kalaallit Nunaata ataqatigiissinnaassusaani ullumikkut kiffartuussinissamut isumaqatigiissutit aammalu angallaviit niuernermit tunngavigineqarput. Peqatigisaanik Nuummi mittarfiup ammarnernani aammalu Qaqortumi Ilulissanilu mittarfiit atorneqalernissaanni pisussani nunatsinni malunnaatilimmik allanngoriartortoqarpoq. Siunissami angalanerit ilusissaasa tamakkiisumik paasisimaarilersinnaanissaannut, mittarfiit nutaamik ilusiligaanerit atuutsinneqaleqqaartussaavoq.

Angalasunut akigititat appasinnerunissaasa qulakkeernissaa pillugu siunnersuuteqartup kissaatigisaa Naalakkersuisunit isumaqatigaarput, kisianni naliliinitsinni maannakkorpiaq misissuinissap siunnersuutigineqartup aallartinnissaa naapertuuttoq. Taamaattumik Naalakkersuisunit inassutigaarput siunnersuut maannakkut akuerineqassasoq.

Naggasiutigalugu Naalakkersuisunit oqaatiginiarparput, suliassaqarfik malinnaaffigeqqissaarneqarmat aammalu kiffartuussinissamut isumaqatigiissutitut aammalu nunatsinni angallaviit tapiiffigineqaratik ingerlanneqartut iluanni periarfissanut tunngatillugu Naalakkersuisunit angallassisartut oqaloqatigissallutigit.